

DOCUMENTA

1. *Rescriptum quoad usum pileoli.*

SACRA CONGREGATIO RITUUM

N° 108/929

ORDINIS PRÆMONSTRATENSIS

Hodiernus Abbas Generalis Ordinis Praemonstratensis Sacrae Rituum Congregationi sequens dubium pro opportuna solutione humiliter exposuit. nimirum :

Quum Can. 625 C. J. C. dicatur Abbates regulares frui privilegiis de quibus in can. 325, excepto pileolo coloris violacei, quaeritur : Cujusnam coloris debeat esse pileolus Abbatum Regularium, nempe utrum coloris nigri, vel coloris habitus regularis proprii Ordinis.

Et Sacra Rituum Congregatio, audito specialis commissionis suffragio, re sedulo perpensa, rescribendum censuit : « Affirmative ad primam partem, juxta decretum generale 1131 ad VIII. diei 27 Septembris 1659; et quoad secundam partem provisum in prima. Atque ita rescripsit et declaravit die 31 Julii 1929.

L. S.

ANGELUS MARIANI.
S. R. C. Secretaris.

C. Card. LAURENTI.
S. R. C. Praefectus.

Concordat cum originali.
Averbodii 24 Aug. 1929.
Gummarus CRETS,
Abbas Generalis.

2. *Congratulatio Reverendissimo Patri Madelaine pro opere :
« Vie de S. Norbert. »*

SEGRETARIA DI STATO DI SUA SANTITÀ

Dal Vaticano, le 4 Septembre 1929.

N° 82832.

MON RÉVÉRENDISSIME PÈRE,

Le Souverain Pontife a vivement agréé l'hommage que vous Lui avez fait de la nouvelle édition de la vie de St. Norbert, Fondateur de votre Famille religieuse.

En vous remerciant de ce témoignage de vénération filiale, Sa Sainteté vous félicite d'avoir, malgré votre grand âge, mené cet intéressant travail à bonne fin, et comme gage de Sa paternelle bienveillance et des meilleures faveurs divines vous envoie de cœur une spéciale bénédiction Apostolique.

Veuillez agréer, mon Révérendissime Père, l'assurance de mon religieux dévouement.

(Signé) P. Card. GASPARRI.

Révérendissime Père *P. Godefroid Madelaine*, des Prémontrés,
Abbaye de *Juaye-Mondaye* près *Bayeux*.

* * *

3. *Sacra aedes S. Godefridi confessoris, in oppido Ilbenstadt dioecesis moguntinae intra fines, o. s. b., honoribus basilicae minoris augetur.*

PIUS PP. XI

Ad perpetuam rei memoriam. Monasterii Sancti Benedicti in loco quem *Ilbenstadt* nuncupant, intra Moguntinae dioecesis fines, Prior ad Nos refert asceterium Ilbenstadiense suum, quod iam erat Praemonstratensium Ordinis, decimo secundo saeculo originem habuisse atque ecclesiam coenobio adiectam anno MCLIX ab Archiepiscopo, qui tunc temporis praeerat Moguntinae dioecesi, consecratam esse. Templum idem vetustate renidet, atque structura prae-

nobili ad instar basilicarum fulget, operibusque artis perspicuis exornatur. Ipsa sacra in aede, quae pretiosis^t paramentis suppellectilibusque locupletatur, cultus divini functiones omni cum paramentis suppellectilibusque locupletatur, cultus divini functiones omni cum cura digneque peraguntur a Monachis Ordinis Sancti Benedicti Congregationis a primaeva observantia Cassinensis, qui in adnexo monasterio vitam religiosam ducunt, atque in animorum ministerium sollerter incumbunt, cum templo coenobioque eisdem paroecia quoque civitatis Ilbenstadiensis adiungatur. Coetus propterea christi-fidelium et confraternitates eadem in ecclesia florent cum haud parvo animorum emolumento; civitatisque incolae peculiaries indulgentias eodem in templo lucrari queunt; huc denique, peregrinorum more, Sanctum Godefridum, primi monasterii fundatorem ibique sepultum, veneraturi ex tota non modo Moguntina dioecesi sed e viciniore quoque regione numero conspicui veniunt fideles, qui sanctas festivitates ipsa in sacra aede Ilbenstadiensi studiose celebrant. Rem igitur opportunam Nos facturos existimavimus si Prioris Ilbenstadiensis monasterii optatis concederemus; quod eo libentius facimus, cum id etiam toti Ordini Sancti Benedicti, tam de Ecclesia bene merito, gratum fore putaverimus; reique tam venerabilis frater Noster Antonius S. R. E. Cardinalis Vico, Episcopus Portuensis et S. Rufinae nec non Sacrorum Rituum Congregationis Praefectus, quam venerabilis frater Moguntinus Episcopus amplissime sint suffragati. Itaque apostolica Nostra auctoritate, praesentium Litterarum vi, praefatam ecclesiam Deo optimo Maximo sacram in honorem Sancti Godefridi Confessoris, monasterio Ilbenstadiensi Ordinis S. Benedicti adiectam, intra fines Moguntinae dioecesis, titulo ac dignitate Basilicae minoris perpetuum in modum augemus, illique omnia et singula iura privilegiaque conferimus, quae iuxta morem ac decreta Sacrorum Rituum Congregationis ecclesiis hoc titulo auctis competunt. Contrariis non obstantibus quibuslibet.

Decernentes praesentes Litteras firmas, validas atque efficaces semper exstare ac fore, suosque plenos atque integros effectus sortiri et obtinere, illique, ad quam spectant, Ilbenstadiensi ecclesiae, plenissime suffragari; sicque rite iudicandum esse ac definiendum, irritumque ex nunc et inane fieri si quidquam secus super his, a quoquam, auctoritate qualibet, scienter sive ignoranter attentari contigerit.

Datum Romae apud Sanctum Petrum, sub annulo Piscatoris, die xxiii m. Februarii an. MDCCCXXIX, Pontificatus Nostri octavo.

P. CARD. GASPARRI, *a Secretis Status*.